

علوم اقتصادی و اجتماعی

مجموعه گار

هر آیت برنجی کونی نشر اولنور

مؤسسی:

احمد شعیب، رضا توفیق، محمد جاوید

مضامین:

بعد الاصلاح استقرار من: محمد جاوید . — انکیز حکیم
شہوری جون ستونہ روت میل حربی فصل آکلیبور: رضا
توفیق . — عوامل اجتماعی: احمد شعیب . — حکمت اجتماعی:
بدیع نوری . — فرانسه اختلال کبیری: احمد شعیب . —
نشریات و وقایع اقتصادی: محمد جاوید . — یک سکن یوز الی
سکن سنہ سی استقرار منک مقاولہ نامہ سی .

مدیر و صاحب امتیازی:

محمد جاوید

نسخہ سی: ۱۰ غروش

استانپول

امور ادارہ و تحریر: باب عالی جادہ سندنہ ہول مطبعہ سی، نومرو ۶۶

عوامل اجتماعی

۱

عرق نظر به سی

عصر اخیرك تہیات فکریہ سی میانندہ اك زیادہ تنقیدات و محاکماتہ
ہدف اولانلردن بریسی بی شہر عرق نظریہ سیدر . روح الاقوام اسمیلہ
تأسس ایدن بر علم جدید بوکون اخلاق ، علم ، فلسفہ ، حیات اقتصادی
و اجتماعی ، سیاست ، دین ، کنولپرستی ... والحاصل ہر شیشی در آغوش
ایدہ رك ملتلك استقبالی حقندہ قطعی حکمر ویریور . ایپولیت تہن ،
کومبلوویج ، آفرہ دفویہ ، کوستاولوبون ... کچی علما بر ملتک بوتون
امیدلرینی عرق نظریہ سنک دستور منطقیسی ایچنہ صوقیورلر و شمدیدن لانین
اقوامنک انحطاط یخیزدن بحث ایدیورلر . ملل متدنه نك توار یخ تکاملاتی ،
اقوامنک اعتلا پرست ویا میال صلح و اسایش اولمالری ، قوای تمدنک
ضعفی ، مضار و معایبک منبعی ہب قابلیات مخصوصہ فطریہ دہ یعنی فضیلت
عرقیہ دہ مندج . اقوام مختلفہ دن بر قسمنک برحمای فعالیت ، بر عزم آہنین
ایلہ مجادلہ حیاتیہ عالمہ آتیلالرینہ قارشى دیگرلرینک تمایلات تکملیہ دن
بی نصیب و مؤبد بر خواب عطالتہ محکومیتلری دہ خلقت قومیلری ایجابی
یعنی قوای زندگانی عرقینک مفقود اولماسندندر . معاشر متدنه دہ مشہودہ
اولان ترقی و تدنی ہب عرقنک نتیجہ طبیعیہ سیدر .
دیگر طرفدن نوویقوف ، آزان فینوکی ارباب قلم دہ عرق نظریہ سنک عاتہندہ
سر دمطالعات ایلہ دیورلر کہ : انسان میلیونلر لہ سنہ لک بر تکاملک محصویندر ، فقط

شکل حاضری آئنده بر دفعه کوروند کدن صوکره تشکل عضویتی اعتباریله هیچ
دکشمه مشدر . فقط بر جمعیت حیوانیه ویا بر مجموعه نباتات یکی بر عملدکته
نقل ایدلدیکی وقت بر سرعت متزایده ایله تشکلی عضویتی تبدل ایلور .
هر موجود ترقییه یعنی تکمله میالدر . موجودات ذی حیات تکامل
ایله پیدر پی محیطلریله صیقی بر رابطه ده بولونورلر . بونقطه نظر دن تدقیق
ایدیلیرسه شو قاعده دن انسان ده مستثنا دکدر . یالکز دکیشن ترقینک
شکلیدر . تبدلات انسانلر ده بالخاصه دماغی اولور . بونک ایچین لاپوز
« تاریخ عمومی بنیه دماغیه نک تاریخ تحولایتدر . » دیمشدر . انسانیت بر
واجزایی غیر قابل تفریقدر . نوع بشری صنوفه تقسیم ایتک کیفی بر
شیدر . چونکه طبیعت نه صنوف ، نه مراتب ، نه عالمه ونه ده انواع
تشکیل ایتمشدر . او یالکز اشخاص وجوده کتیر مشدر . فی الحقیقه ده
عینی عرقه منسوب اشخاص آراسنده کی اختلافات عرقلر بیتنده کی
اختلافدن زیاده در . هر موجود بشرک بر شخصییتی واردر ؛ و آنجق
بو حقیقتدره انسانک فیزیولوژیسی بوتون انواعنده عینیدر . عرق اصفر
ویا عرق اسوده مخصوص بر فیزیولوژی یوقدر . حیوانات ایسه بویه دکدر .
انسانلرک سلوک ایتدکلری مسالک وصنعت اوزرلرنده عرقدن دها زیاده
مؤثر و حائر اهمیتدر . طائفهلر ، زراع ، متفکرین بیتنده کی اختلاف ،
عرق اصفر ایله اسودک اختلافدن پک زیاده در . عرق ونوعک اختلافی
تعیینده قانک صورت ترکیبی بویوک بر رول ایفا ایدیور : آنجق عینی
نوع وعینی عرقه منسوب اولانلرک قانلری امتزاج ایده بیلیر . مثلاً بر
انسانک قانی بر کوپکک قانی ایله امتزاج ایتز . اجنبی قان یا کنبدیسی محو
اولور ویا کبردیکی عضوی محو ایدر . حالبوکه صاری بر آدمک قانی مثلاً
بر زنجینک دامارلرنده بویه بر تأثیر اجرا ایتز . بوفونک نظرلنده عرق

اقلیم ، غذاء اخلاق و عادات کبی مؤثرات ایله میدانہ کلن برنوعدرہ
محیط عینی اولدقہ دوام ایدر و تبدل محیط ایله غائب اولور . لامارقه کورہ
تعدیلات و تبدلات هر شیدن اول اعضانک استعمال و عدم استعمالی
نتیجہ سیدر . مثلاً یالکز آغاچلرک اوستندہ غداسنی ارامقدہ مضطر قالان
زراہ ییراقلری قوبارقم ایچون بونی اوزاتماہہ مجبور اولور .
و بو مجبوریتدن بونی اوزادینی کبی اوك آناقلری ده آرقہ آناقلردن دها
زیادہ بویور . داروین ایسہ مالطاس نظریہ سنی الہ آلہرق کرہ ارض
بوتون موجوداتہ غیر کافی اولدیفندن بحث ایله بونلرک آرمسندہ حیات
ایچین بر مبارزہ دائمہ کورویور . و بوغوغای حیاتدن اک مستعد والیق اولانلر
مظفر آچیقورلر . پیدر پی ارثی اولان مزیتلری اصطفا ی طبیعی طریق
ایله انواعہ منشأ اولویور . انواعک نظریہ تکاملی بشریتک مختلف
برچوق اجداددن کلدیکی فکرینہدہ فنا برضربہ ایندیرہ رک یالکز برانمودج
ابتداییدن دوغدیغنی تأییدابتدی... علما عرقلک تعریفندہ اتحادایدہ مدیلرہ
قفا ، انسانلری صنوفہ تقسیم خصوصندہ مبده حرکت اولمشدر دینہ بیلیر
بعضی علمایہ کورہ مستطیل الرأس اولانلر بر یرده طوپلان دینی زمان
اورادہ بویوک بر مدنیت ، رفاه و عمران تولد ایدر . بالعکس بر دولتی
قصیر الرأس اولانلرک استیلاسنی متعاقب اورادہ بوتون اشکالی آتندہ
انحطاط باشلار . چونکہ اونلر مبشر زوالدر . یالکش بر فکر . بردفعہ
قفانک شکلی غدانک تحت تأثیرندہ دیکشہ بیلہ جکنی اونوتما ملیدر ؛ ثانیاً
مستطیل الرأسلرہ اقوام وحشیہ و ابتدائیہدہ تصادف ایدیلور . دماغک
وزنی ایسہ شمعی بزہ هیچ برشی اوکرتیمور . چونکہ بو صورتلہ فرانسزلرلہ
بوشمانلری عین سویہ یه قومیق ایجاب ایدیور . ملکات فکریہ علمی هنوز
پک ضعیف و ذسایتیری قطعی اولمقدن بعیددز . بوکون دهای کیم تعریف

ایده بیلیر ؟ دماغك وجوده نسبتله وزنی ده قطعی برشی افاده ایتمز . دماغك ثقلی ایله قابلیات ذکائیة آره سنده بر مناسبت یوقدره . بروقاسویه عرفانی قفانك شكله تابع طوتمانی کولونج بولویور . وقفانك صورت تشکلی لایتغیر دکلدر . شکل داخلی وخارجیسی تبدل ایده بیلیر . دماغك ممارسه سی اوکا قوت بخش اولوره . بناء علیه عرق اصفر واسودك ممارسات فکریه سایه سنده برکون دماغلری بزم کبی اولیه جنی نه معلوم ؟ محیطك ده قفا اوزرنده تأثیری واردر . مثلاً داغلق محلدرده یاشایانلرك قفالری باشقه بر شکلده در . بعض دماغلرك ثقلی ۱۸۰۰ غرامی کچدیکی حالده بعضلری ده آنجق ۹۰۰ غرامدر . قرق بش یاشندن اعتباراً دماغك وزنی تنزله باشلایور . وبو وزن ممارسات فکریه ایله تزايد عکسی تقدیرده تناقص ایده بیلیر .

نوع بشری تقسیمده بورنی ده نظر دفته آلانلر واردر . مثلاً اوزون ودار برونلیر (عرق ابیض) قیصه وکنیش برونلیر (عرق اسود) کبی . نته کیم قولاغك شکل وحجمی ده اساس انحازایدنلر موجوددر وبوبابده قامتی ده نظر دفته الیورلر .

بر قسم علماده جلدك لوننه نظراً انسانیتی ابیض ، اصفر ، اسود ... دیه تفریق ایدرلر . اساساً جلد صورت ترکی اعتباریه هپسنده عینیدر . رنگه کلنجه بوبالخاصه محیطك تحت تأثیرنده در . بوراده اشعه شمس بویوک بر رول اوینایور . مثلاً شمالی وجنوبی آمریقایه نقل ایدیان زخیلرك رنگی کیتدکجه صارارمشدر . شمالی آمریقاده متولد برزنجی ایله آفریقاده کی زنجی مقایسه اولونورسه بر عصر ایچنده نه قدر عظیم بر تحول وقوعه کلدیکنه انسان حیرتده قالیور . حتی بعض علمایه کوره عرق ابیض شمالی آفریقادن هجرت ایدن وبرچوق عصر مقدم یرلشن عرق اسودك ثمره سیدر .

اوروپاىك اقسام مختلفه سنده كشف اولنان بعض كيمكرده بوادعاىى اثبات ایدیورمش! قوش بسله بنلر ایستدكلى رنىك الله ایتك ایچین غدایى نظردقه آلورلر. چونكه صورت تغدى رنىك تبدیل ایدن مؤثر ایدن بریدر. محاربات و فتوحات اولان هر یرده قان یكدیكرینه قارىشمشدر. بوكون كاملاً صاف بر عرق آرامق برخولیدر. بوبلكه بعض قبائل وحشیه وابتدایه ده موجوددر. منشأ عروق ظلام مجهولیت ایچنده قالمشدر. مثلاً وقتيله عرق نظریه سنك اساسات ابتدایه سنى وضع ایله یقونت غوینو (۱۸۵۴) وانكلیز حکما سندن هكسه ی فرانسز، آلمان و انكلیزلر ك اقوام آریه دن كلكلرینى ادعا ایتشمشدری. حالبوكه آریلر بر ملت ابتدایه شكلى آلتند هچ بر زمان موجود اولمامشدر. آریلر حقتده كى تصویرات و مطالعات یكدیكرینه متناقض اولوب بونلر هپ قوه مخیله نك نتیجه كشفیاتیدر. بوكون آروپا لیلر ك یوزده ۹۹ ی كندیلر نك آری نسلندن اولدیفه امیندرلر! خطیثات بشریه تاریخنده بركون بوباكش نظریه ده البت بر موقع مخصوص احراز ایده جكدر. آسیادن آریلر ك اوروپا یه مهاجرتندن اول فرانسه ده برچوق عصرلر انسانلر ك موجودتی بوكون كشف ایدلمشدر. بناء علیه اوروپا نك آسیا طرفندن مؤسس بر مستعمره اولدینی نظریه سى شیمدی مجروحدر. حتی بعض علما آریلر ك دكل آسیادن بلكه اوروپادن آسیا یه كیتدكلى اثبات ایدیورلر. علم آثار عتیقه مدنیتك طبقه ابتدایه سى اوروپائی، طبقه ثانیه سى ده آسیائی اولدینی فكرنده در. وبوفكرینی برچوق كشفیات ایله تأیید ایلور. اساساً آری اعتقادى السنه آریه تسمیه ایدیلن لسانلرله السنه اوروپا یه آراسنده كى مشابهنك موجودیتندن ایلری كشمشدر. فرانسزلر ك غولوا لردن، آلمانلر كده جرمنلردن نشأت ایتدیكنه داژده بر اعتقاد عمومى

حکمرانان . بوده یا کلس بر اعتقاد . فرانسیه غولوالردن بر چوق
زمان مقدم عروق سائرہنک یرلشدنری محقق بر کیفیتدر . جرمنلر
ایسہ عصرلرجه مدت غوالرک تحت حکم ونفوذندہ قالب سیاست اوئلرلہ
قاریشمشردی . غولوالرک نفوذی جرمنلرک اخلاق وعادات ولسانی
اوزرنده یک چوق نشانلر بر اقمشدر . غولوا شجرہ سی بوتون اورویاہ
یابلشدی . بناء علیہ غول فرانسیہ وغولوالرک فرانسیز اولدیغی سویلہ مک
یک جسورانہ بردعواردر . برچوق عملکتلردہ بویلہ برادعاده بولونابیلرلر .
قیصرک فرانسیہی استیلاسی زمانندہ اورادہ لسان ، اخلاق وعادات حتی
عرق نقطہ سندن اوج مختلف ملت واردی : آکینانیلیلر ، بلجیقایلیر ،
غولوالر . بونلردن ماعداد محلی بر عرق ، لیکورلری دہ اونوتما ملیدر .
بالا خرہ نورمانلردہ کلدی . بعضیلرینہ نظراً بونلر شمالدن این برطاقم
قورصانلرک ہیئات مجموعہ سی ایدی . غول سکنہ سنک دامارلرینہ بونلرک
آقیتدقلری قالب مقداری عجبا نہ قدردر ؟ ... فرانسیہنک قسم جنوبیسنده
عربلرک ازلرینہ تصادف ایدیلر وموغول فینووا کی دہا برچوق عرقلرک دہ
نشانلری بولونور . والحاصل فرنسیز قاتنی تشکیلہ خدمت ایدن یوزدن
زیادہ قبائل موجوددر ! ایشته بوقدر عناصر مختلفہنک مداخلہ سی نظر دقہ
آلترسہ فرانسدن دہا زیادہ آلمانیدہ غولوا قاتی اولماسی شخند .
بورغوند ، ویزیغوت ، فرانق ونورمانلرک فتوحاتی ایسہ فرانسیہ
آلمانیدن یک چوق فضہ جرمن قاتی آقیتشددر .

لاتین اقوامی مسالہ سنہ کلجہ ، رومالیرک افکار اعتبارلہ اولان
تأثیر عظیمدن ماعداد او ائینک هیچ نفوذلری اولماسی کییدر .
جهانگیر رومانک فتوحاتی لاتین تسمہ ایدیلن اقوامک قانلرینک صورت
ترکندہ هیچ بر تبدل وجودہ کترمہ دی . بر قاج بیسک روماعالیہ سی اوزمان

غولواده ساکن میلیونا لرله نفوسك قانسه بیاپاییلردی؟ ایٹالیا واسپایاده ده بویله اقوام مختلفه واردی .

جنوبی آمریکا سکنه سنك دامارلرنده ایسه بوتون دنیاده کی صرقلرك قانی جولان ایدر . آنتروپولوژیک نقطه سندن لاتین مداخله سندن آزاده قالان فرانسه و ممالک سائر عجبا لاتین فکری ، لاتین دماغی نقطه سندن ده بویله مصونیدر ؟ اول امرده شوراسنی بیله لیدرکه شجره ، نسل ابدی اولوب برنوع طرز تفکر ایسه اونی وجود کتیرن عواملاک تبدیلی ایله دکیشرلر . آلمانیا پروتستان اولقله حالت روحیه سنی تبدیل ایتمشدره . فرانسر پروتستانلر و دینسزلری ده بویله در . روحز مؤسسات سیاسی و اجتماعی نك تحت تأثیرنده تکامل و تبدل ایدر . شمذیکی فرانسزلرك روحی برقاچ عصر اولکی فرانسزلرك روحه اصلا بکزه من فرانسه نك تکامل فکریسی اعتباریله لاتین نفوذی اویله ظن ایدلدیکی درجه ده دکدر . بی شبهه رومانك تحت تأثیرنده غولوانك لسانی ، اداره و مذنبتی توسع ایتدی . فقط بوندن فرانسز فکرنك هر زمان لاتین فکرنی تعقیب ایتدیکی ادعا ایدیله یلیرمی ؟ انکلز مذنبتی نورمان استیلا سندن سوکره فرانسه طرزنده تشکل و مرور زمانه کندینه خاص اولان طریق مذنبتی تعقیبه باشلامشدر . فرانسه ده لاتین منابعدن تسکین حرارت ایتمکله برابر بالاخره عالمده کی موقعی واستعداداتی ایله متناسب برصورتده یورومشدر . بر میلیونه و قتیله کندینه کوچوک بر سرمایه ویرن آدمه قارشى ناصل منتدار ایسه فرانسه ده روما مذنبته اویله جه میوندنر . فرانسه اویله بر عماندرکه اونی دولده و رمق ایچین برچوق منابع و انهارك معاونت اشتراکی لازم کلدیکنی اونو تاملیدر . یالکز فرانسز لساننك تشکلی ایچین سکر عصرک ضروری ایجاب ایتدی . احتمالا که لاتیجه فرانسه ده فرانسزجه نك برچوق عصرلر انکلتره ده

اوینادینی زول کی بررول اوینامشدر . فرانسیزجه اوراده سکنزنجی
 آتری به قدر حکمفرما اولدی . بالذات انگلیز محررلری اون دردنجی
 عصرک صوکنه قدر فرانسیزجه یازمایه چالیشیورلردی . تربیه و معارف
 فرانسز لسانیه اولویوردی . اون دردنجی عصرده بیله انگلیز طلبه لری
 پارس دارالفنوننده سائر اجنبی طلبه لرندن ده ا زیاده ایدی . بوتون
 انگلیز حیاتک تجلیاتی فرانسه تاثیریه مشوعدر . رومانلری ، فلسفه سی ،
 قانون اساسیسی ، شعری ، علم و صنعتی هپ فرانسه نک تحت تاثیر
 نفوذنده در . اون دردنجی عصر نهایتنده انگلیز ادبیاتی فرانسز رومانلرینک
 ترجمه سندن باشقه برشیته مالک دکل کیدی . اون بشنجی عصرده بیله
 انگلیز شاعرلری بیتک بر مصراعنی انگلیزجه دیگر مصراعنی ده فرانسیزجه
 یازیورلردی . هیوم دیرکه : انگلیز لساننک اک کوزل پارچه لری فرانسز لرندن
 ولسانلرندن کلیر . بالاخره انگلیزجه مستقل و پارلاق برلسان اولمشدر
 ننه کیم فرانسز نحوی ده لاتین نحوندن کاملاً آیرلمشدر . عوامل
 اجتماعیه نک لسان اوزرنده کی تاثیراتی اونوتما ملیدر . معماری ، رسم ،
 هیکل تراشی ، فلسفه و قانون بیله جریان اعصار ایله لاتین نفوذندن
 قورتولمشدر . فرانسه ، ادبیاتی بر جوق منابع اجنبیه به مدیوندر . صوکه
 عصرلرده فرانسه رومان و فلسفه سی انگلیز تاثیریتنه تکمل ایتدی . وولته ره ،
 دیدرو ، روصو انگلیز افکارینک تحت نفوذنده ایدیلر . وولته رک انگلیز
 مکتوبلری انگلتره به سیاحتندن صوکره یازلمشدر . دیدرو یرا انگلیزدر .
 کوته نک رمان ، تن و بورژ اوزرنده بویوک بر تاثیر اولمشدر . فرانسه
 ادبیاتی منابع اجنبیه دن دائماً مستفید اولقله برابر ده ای ملیسنی غائب
 ایتمه مشدر .

بوکون یونانیلر قدر تدقیق و تتبع ایدلمش بر قوم یوق کیدر . بویله ایکن

هنوز یونان روحی تشریف و تعیندن عاجز . ره نانه نظراً یونانیلر کره
ارضده اک آز دیندار بر قومدر ؛ فوستل دوقولانر ایسه حیات دینه
یونانسانده تجسم ابتدیی ادعاسنده در ! سلتر حقتنده ره نان ایله دیگر
علمانک حکمرای هپ باشقه باشقه دره اقوامک حیات و آمانک هیأت
مجموعه سی اودرجه مشوشدرکه هر اصد اونی تماماً دراغوشی ایده میهرک
یالکز خیله سنی اوقشایان نقاطی نظر دقه آیلور و بو مسأله ده دائماً
صنعتکارک شخصیتی کورونیور .

انکتره بی استیلا ایدن نورمانلر عدداً ده فضل اولان جرمنلردن
زیاده اجرای تأثیر ایشلردر . نانت فرمانک فسحی متعاقب
آلمانیایه هجرت ایدن فرانسر ملتجیلری عدداً قلیل اولمیرینه رغماً
آلمان مدینتی اوزره بویوک بر تأثیرلری اولمشدر . اقوامک عناصر
اصلیه سنی بیلورز ؛ منشألری ایسه تاریخک اعوجاجات دورا دوری
ایچنده غائب اولمش . قانلرینی تحلیل ایتک ایسه محالدر . تهنه کوره اون
سکزنچی عصرک بوتون افکارینی آلمانیا وجوده کتیرمشدر . حال بوکه
عینی تاریخده فرانسه ده لاپلاس ، لاووازیه ، لامارک ، کوویه ... کی
دهاتک موجودیتی تهن اونوتقی ایستیور . دیگر طرفدن مورخ زلردر
آلمانیانک بالعکس بر مقلد اولوب هر شیء خارجدن آلفیتی سویلور ؛
شوواله لکی ، حریت مدنییه ی ، غویتک طرز ، معماریه سی ، دارالفنونلری
آلمانیا هپ خارجه مدیوندر . مومزن آلمانیانک هر ملتدن زیاده سلیتک
اولدیفنی بیله دیکندن دولایی سلترلری تحقیر ، جرمنلری مدح ایدیور ۱
فرانسز روحی ، دهاسی ، مخصوصات متمایزه سی نه لردر ؛ آلمان ، روس ،
انگلز روح ودهاسندن هانکی نقطه لردن آیریلیور ؟ بوسو آلره حکما
وادبانک ویردیکی جوابلر هپ باشقه درلودر . و بوگونکی فرانسر روحی ده

ابدی اونیایوب دائماً دیکشه جکدر . قانت دیرکه برانسان ویاخود برقومک
طینتی ، قوهٔ مرامی اوزرینه اجرای نفوذ ایله بن بوتون مؤثراتی طایبق
قابل اولسه یددی بر شخص ویا قومک مقدراتی ده خسوف وکسوف کبی حساب
ایدیله بیلیردی . فقط بومکن دکدر . روح الاقوام علی اوستنه بنا ایتک
ایسته دیکمز مواد انشایی ضعیف وپک مشوشدر . قانادایه هجرت ایدن
فرانسزلر انکیز طرز اداره سنه ، عدم مرکزیتته یک اعلا آلیشیورلر .
انکیزلرک بر قسمی سعی انفرادی مسلکنده قسم دیکری ده سوسیالیست
وبناء علیه خدمات عمومی دولتک توسیعی فکرنده در . مثلاً عینی انکیزلر
اوسترالیا یاخود یکی زه لاندده « سوسیالیست ده تا » اولیورلر . « سن سکا
معین اول ! » دستوری رد ایدیلیور . حریت و مسئولیت اساساتی تحدید
ایدیلرک هرشی وظائف دولتدن معدوددر نظریه سی آلفیشلانیور . چونکه
آنگلو ساقسونلرک اوصاف معلومه سی کندیلرینی اداره ایدن بعض شرائط
سیاسیه واقتصادیه نک نتیجهٔ ضروریه سی اولوب بو شرائطک تبدیلی ایله برابر
طبیعتلری ده دیکشیور .

شیمیدیکی ژاپون روحی اسکی ضامورایلرک روحه اصلاً بکزه مز .
وقتیله بوتون ده موغرافلر ژاپونلرک مقلد برقوم اولوب اختراع استعدادینه
مالک اولمادقلرنده متفق ایدیلر . حال بوکه قرق سنه ک مساحی و مقبساتدن
صوکره اونلرده اختراعه باشلادیلر . شیمیدی بیکلرله ژاپون اختراع براتی
آلیور . ابداع ملکه سی عرقی دکل اشخاصک اثریدر . دیکر جهتده بوکون
اقوام ، مختلف عرقلردن مرکبدر . بربره تون نورماندیالی به ، نورماندیالی ده
خاسقونه هیچ بکزه مز . نته کیم باویه رالیلری ، پروسیالیلری ، پومه رانیالیلری
بادلیلری ده عینی طور بانک ایچنه صوقامایز . بوندن باشقه بین الملل تقلید
اجتماعی بی ده اوتعاملی در . حیاتمز تقلیدک اطرافنده متحرکدر . انسان

حیاتی باشقه لرینی تقلید ایتمکله کچیرر . بوتون فعالیت اجتماعی و شخصیه مزك عمقنده بومند مجدر . طبیعت ثانیه تسخیه ایتدی کمز اعتیاد تقلیددن باشقه نهدر ؟ مدنیت اوپله واسع بردارالصناعه که دنیایه تقلید ایچین لایعد وقایع وافکار آنیور . تقلید مذهبه اخلاق وعادانده ، طرز تلبسده مهرشیده حکمفرما . مدنیت ایلر ییچکه مالکانه تقلیده توسع ایدیور . شیمی بزر بر جوق مملکتلری ، قومشولری ، قیلری ، دماغاری تقلید ایلوروز . فکر ترقی اقوامک یکدیگرینه دها زیاده یاقلاشمانسه طرفداردر . ارتق علم ، بین الملل برشکله کیرمشدر ؛ اونک حدودی یوقدر ، حتی ادبیات بیله بوشکله کیرمک اوزره در . حدودلرک آرقه سندن اقوامی بر برینه باغلایان مؤسسات سیاسیه واجتماعیه ، تجارت وصناعت ، صلح ومحاربات ، آمال ومدعیات اجتماعی ... بوتون بونلر تقلیدی توسیع وتسبیل ایچین . افکار وعادات ملیه دینیلن شیلرده ارتق برشکل عمومی اکتساب ایدیور . شرائط اقتصادی واجتماعیه دول متمدنه همان یکنسنق اولدیغندن جنایات بیله عینی اشکال آلتنده وقوعه کلیور .

اقوامک سجایاسی لاینقطع دکیشمکده ؛ شیمیکی آلمانیا اسکی آلمانیا دکلدرد . ممتازیت خلقت وفطرت اصحابی اقوامی تسخیرایله طرق جدیدیه سور وکلورلر . یسماقک آلمانلر اوستنده نه بونلر برتأثیری اولمشدر . شعرا وحکایه نویسانده بویله در ؛ بوکونکی پارسلیر پارس رومانجیلرینک ، غزته جیلرینک اثریدر . افکار مذهبییه حتی بالکتر برمسلك ادبی بیله اشخاصی بر برندن تفریق ایدر . ناآورالستار ، پاراناسیه نلر ، ده قادنلر ... کال سهولتله طانیلیر . کوچک برکشف علمی عصرلرک یامدینی تبدلاتی دفعه وجود کتیرر . نتیجه بر قومک طبایعی دائماً حال تبدله در . بوسجایا بی نه یاه اسباب تحتده تولد وتبديل ایدرلر . روح الاقوام لایتغیردر

دیهه صابلا نوب قالمق . بر صویک اوسته فیرلاتیلان . طاشک رسم ایتدیکی
 دائره لرك قالاجنه اینانمایه بکزر ! حیاتک ابدی قاصیر غه سی ایچنده هر شی
 تبدل ایدر . بر چو جوغک روحی زمان صباوت و شیخو ختنده کی روحنه
 اصلا بکزه من . اقوام عالیه بالاخره اقوام عادیه مرتبه سنه سقوط
 ایدیه بیله جکی کبی اخلاقیه تمیز ایدن بر قومده بر مدت صوکره یلک
 اخلاقسز اولابیایر . صلحپرور ملتار ، جدالجو بر طبیعت اکتساب
 ایدرلر . اقوامک فضاحت و فضیلتی بعض احوال واسبابک محصولیدر .
 فلاکت و محرومیتلر اشخاص و اقوامک ملکات فکریه لرینی توسیع
 وحسیات اخلاقیه لرینی اصلاح ایدر . بناء علیه زنجیلر پیدرپی دهانور ،
 دهان اخلاقی ، دهان زنکین ، دهان مستقل اولویورلر . زنجیلر ایچین ایلک
 مکتب نیورقده ۱۷۰۴ ده آچیلشدی . وقتیله زنجیلر هر دزلو معرفت
 و حمایتدن محروم ایدیلر . آرالرنده مهارفک ترقیسی اسارت محاربه سندن
 باشلار . بالطبع عصرلرک بو بچاره زنجیلر اوزرنده بر اقدینی اثر مشئوم
 بر قاچ سنه لک عدالت ایله ازاله ایدیله من . مع مافیه شیمدی یه قدر اُلده
 ایدیلن نتایج یلک پارلاقدر . بو کون کندی آرالرندن شاعرلر ، رومانجیلر ،
 مهندسار ، مخترعار ، مربیلر یتشمشدر . حاصلی علوی و یا سفلی عرق
 یوقدر ؟ استعدادات بشریه مساویدر . بونی اثبات ایچین انواع مشکلات
 ایچنده آمریقا زنجیلرینک یوز شو قدر سنه ایچنده وجوده کنیر دکری
 ترقیاتی کوسترمک کافیدر .

سنین اخیرده آنفلو - ساقسون عرقنک دیگر عرقلر اوزرینه
 تفوقی غیر قابل رد بر حقیقت کبی قبول اولونمشدی . بو ، عروقک
 غیر مساوی قییماته مالکیتلرینی قبول ایتک دیمکدی . ترقیات فکریه
 و اخلاقیه نك الک یوکسک طبقه لرینه انجق عروق عالیه نك چقا بیلکه

مستعد اولدقلری ادعا ایدیلوردی . دیکرلری علمک ، صنعتک ، دینک ، فلسفه‌نک طبقات عالی‌سنه اصلاً یوکسله‌مکسزین دایماً آشای قاتلرده یاشامایه محکوم ! عرقلرک مادی ومعنوی قییات غیر متساویه مالکیتلری تصدیق ایدیلیرسه اُک مکمللرینک کندیلرندن ده‌آز مکمل ومستعد اولانلره ریاست ایتمک ایستیه‌جکلری طبیعی در ...

انکلتزه تک باشنه بر چوق زمانلر عدالت وحریت اقایینی ارانه ایتدیکی مدت پارلاق بر یلدر کیدی . بوتون اقوام ظلمیده قارا کلقلر ایچنده ضیالر صاچان انکلتزه‌یه باقورلردی . واوقت بوتون جهان بلااعتراض آنغلو - ساقسونلرک ملله سائریه تفوقی قبول ایتدیلر . فقط بالاآخره انکلتزه‌ده رومانک سیاست جهانگیرانه‌سنی تعقیبه باشلایه‌رق بیسمارق کبی « الحکم لمن غلب » قانون متحکمه آقیشلادی کون موقعندن دوشدی . آنغلو - ساقسون تفوقی دعواسی افکار منوره اصحابنک دماغلرینی ظلمتده براقان اُک شایان حیرت خطالردن بری اولدینی آکلاشیلدی . ایکی وقعه آنغلو - ساقسونلری اقوام سائره‌نک فوقه چیقارمشدر : انکلز حریتی ، بریتانیا ایمپراطورلغنک قوت وعظمتی . نه‌فلسفه ، نه‌دین ، نه‌فن ، نه‌ده‌صنعت‌ده انکلتزه بر موقع مستثنا احراز ایتیه‌مشدر . شه‌سز موقعی شایان تقدیر وحرمتدی . لکن فکرأ انکلتزه ، فرانسه ، آلمانیا ، ایتالیا نک فوقده دکلدی . فقط حریت واتساعات الکائییه نقطه‌سندن اقوام سائرینی بر صورت مدهشه‌ده اُزیور . آنغلو - ساقسون عرقنده آمریقادده داخلدر . آمریقا ایسه عالم اقتصادده ، فعالیت بشریه‌نک بوشه‌سنده شیمدی‌یه‌قدر هیچ برقومک یاپامادینی خارقلر کوسترمشدر . شیمدی تدقیق ایده‌لم : انکلز حریتی ، حکومات متحده ترقیسنک شعشه‌وله آوری ، قدرت مستحصله‌سی ، بریتانیا ایمپراطورلغنک

بویوکلیکی عجبنا آغلو - ساقسونلرک عضوی و روحی بر تفوقی نتیجه سیمی
یوقسه بعض احوال و وقایعک بر معاونت بختیارانه سی نتیجه سیمیدر ؟ اولاً
حریتدن باشلایهلم : انکلتزه قانون اساسیسی بر طاقم حادثات سیاسییه و بر
صنف شرائط طبیعیه نك محصولیدر . بر کره انکلتزه بر آطه در . بناء علیه
مملکت هر زمان مدهش قومشولر طرفندن دوچار استیلا اولمق تهلکه سندن
مصوندر . بو جهته در که انکلتزه بی اداره ایدن صنوف جمعیت اداره
مرکزیه بی غیر محدود بر قوتله تسلیح ایتک ضرورت مطلقه سنی اصلاً
حس ایتمه دیلر . حکمدارک ضمه فی ، ملتک حریتی بو نقطه دن کلیور .
انکلتزه نك آطه اولماسی ده ا زیاده مهم بر نتیجه یه ده باعث اولدی : ایلک
زمانلردن اعتباراً بو مملکتک صورت قطعی ده حدودلرینی چینه دی .
ملکیت عظیمه متصرفلری اوراده تکافل اجتماعی اساسی هر یردن ده ا
چابوق حس ایلهرک مشترکاً قراله قارشى حرکت ایتدیله . ایشته
انکلتزه نك جغرافی طالعاری . شیمی اشخاصدن متولد نتایجی نظر تدقیقندن
کچیره لم : انکلتزه ده نورمان خانداننک مؤسسسی کیوم فاتحک موقعی ،
طرز اداره سی حریتک یرلشمه سینه یارديم ایتدیکی کهی برنجی ژورژده
انکلیزجه قونوشمادیغندن قاینه یه ریاستندن کنیدلکندن واز کچدی . و بو
کیفیت الیوم انکلیز قانون اساسیسنک صفات میزه سندن بری اولان
بین الوکلا ضمی بر کفالت متسلله واستغای مشترک اصولی تولید ایتدی .
نهایت دردنجی کیومک خلقی بر قادین اولدی . و یقتوریا مجلس مبعوثانده
حائز اکثریت اولان نظاره مصالح عمومیة دولتک ریاستی تودیع ایتمه
باشلادی .

وایشه بو صورتله در که انکلتزه ده پارلمنتویه تابع بر حکومت وجوده کلدی .
و یقتوریادن اول انکلتزه حکمدارلری پارلمنتوی نظر اهمیته آلمیه رق

ارزولرینه کوره نظاری انتخاب ایدرلردی. و بوشکل دوام ایتدیکی مدت ظرفنده انکلین ملتی حربته تماماً صاحب عد اولونا مازدی: نته کیم زمانم زده آلمان ایمپراطورلنی قانون اساسیسی رایخشتاغک مواجهه سنده مسئولیت وکلا اساسنی قبول ایتدیکندن آلمان قومی نیم حردر.

حکومات متحده نك ترقیات حاضره و حاکمیت تجارتیه سی بر خارقه در. بر عصر اینجده عالم اقتصادک کافه شعباتنده برنجی موقعی احراز ایتدی. ایشته بر اثرکه نی مثل، شایان حیرت. فقط بو کیفیتده تحلیل ایدرسه ک کورورزکه حکومت متحده نك محیط اقتصادی ده یالکز بو مملکتک مالک اولدینی مستتتا بر طالعک نتیجسیدر. اولاهالیسی، مستعمرلری. بر عصری متجاوز مدتدنبری آمریقا اوروپانک نه قدر ایشسر خلق وار ایسه طویلا مقده دوام ایدیور. بوتون بو اشخاص انکلین لوردلری طرفدن دوچار مقدوریت ایدیلن ایرلاندا لیلر، پروتستانلردن صیقیلان قاتولیکلر، سرگذشت خارق العاده آرق سنده قوشانلر، مشهور آوجیلر، آلتون تحریسته کیدنلر. مراجه ایله دوشدکلی حال سفالتدن متنفر آلمانلر، قید اسارتدن تخلیص ایدلمش زنجیلر، حال فرارده بولنان جانیلر، شان و شهرت حریرلری، قدری بیلنمه مش مخترعلر، اقاده میلرک مبنای عتیق افکار ایله مبارزاتدن اوصاتمیش عالمر... مملکتلرنده کی مظالمک شدته تحمل ایده میوب آمریقایه هجرت ایدن بر ایرلاندا عالیه سنک بر چو جو غنی فولتون، بخاراله متحرک واپورلری ایجاد ایتشد. ایشته بر نسلی مغلوبک اوصاف و طایعنه مالک بر قوم ایله اتحاد ایدن بو ملتجیلر بوتون حد تلرینی، حسد لرینی، کین لرینی، غرض لرینی تولد ایده جک ذریت لرینه تلقیح ایلدیلر؛ و بونکله اکتساب موازنت ایدن «یانکی» لر اون دو قوزنجی عصر مدنیتی لایموت بر حاله وضع ایده جک قزای عظیمه نك والدی اولدیلر. اساسنده آمریقا

مستعمر لرزی ، بشریتك ممتاز بر صنفی ، قناعت وجدانیه لرینه كوره جناب
حقه دعا ایده بيلمك ایچین وطنلرندن فرارایدن اصیل و مغرور کیمسه لر دی .
اسپانیوللر اهالی محلیه اورته سنده یرلشهرک اونلری کندی لری ایچین برر
اسیرکی قوللانقلری حالده انکلین مستعمر لری صپانی اللریله سور دیلر .
اهالی محلیه بی یا تبعید و یا خود محو ایده رک یرلرینه بر قوم کبی یرلشدیلر .
وبوندن طولانی درکه عدالت و مساوات اوزرینه مؤسس ده موقراتیک
مؤسسات وجوده کلدی .

ایشته اساسنده صاغلام وقوتلی بویله بر تخمدن شیمدیکی آمریقا اهالیسی
تشکیل ایتدی . بر جمعیتك نائل اولاجنی اك بویوك بر نعمتی اونلر هنوز
بشیکده ایکن کروی حریتمدن آلدیلر : سربستی . قیمت تقدیر ایدلمه ین بو
سعادتدن صوکرده دیکر لری ده کلدی ؛ اقالیم معتدله ، درجه کافیه ده یا غمور لر ،
هر درلو نباتاتی زرعه مساعد اراضی ، هر نوع معادن ، سیر سفائنه صالح
انهار و طبیعی لیمانلر . . . نوو یوقوف دیر که عرق اهل ایدیله بیلیر بر عاملدر ؛ باشلی
عامل حال و موقع ، تصادفات بختیارانه در . نه آلمانلر آلمانیده ، نه ایतालانلر
ایتالیاده ، نه ایرلاندا لیر ایرلاندا ده آمریقاده توطن ایدن همشهریلری
قدر فعالیت ، او درجه قوت و جدیت کو ستره بيلمشاردر . بویوك بر
فکر اختراع ، متین بر فکر تشبه مالکیت ایچون معین بر عرقه منسوبیت
کافی دکلدر . محیط اجتماعی و جغرافی ده حائر اهمیت فوق العاده در ؛
ذکای فطرتك انکشافی ایچین زمین وزمان مساعد اولمالیدر . مثلاً
انکلین مستعمر اتندن بهضیلری پک مساعد شرائط التنده بولندقلرندن کمال
سرعتله ترقی ایتدکلری حالده دیکر لری عینی شرائطه تصادف ایده مدکلرندن
دولایی اولن سبتده ترقی ایده مه مشاردر . ایشته قناده بویله در . اقلیم صوئرق ،
نهرلرده آبی دکلدر . بناء علیه حکومتات متحده نك نفوسی • ملیوندن سکسان

مليونه ياقلاشدیني حالده قنادانك نفوسى ۲۳۰۰۰۰ دن ۵۳۳۸۰۰۰
 اولاً بيلمشدرد . ايشته بو ايكي قطعه آنفلو - ساقسونلر طرفندن استعمار
 ايدلدیكي حالده آرالرنده نه فرق عظیم ! بریسی دنیانك اك بیسوك بر
 دولتی ایكن اوتەكى نفوس اعتباریله رومانیایی كچه میوز . ايشته بوده اثبات
 ایدركه ترقی ایچون یالكز آنفلو - ساقسونلر طرفندن استعمار ایدلك
 کافی دكل بونك ایچین جغرافی واجتماعی شرائط مساعد اولمالی . نینه کیم
 یکی زلاند ، نوول قال - دوسود بو نوع شرائطی جامع اولدقلرندن
 سرعتله آسترالیا ایسه آغیر بر صورتده ایلریلیور . انکلیزلرك جنوبی
 آفریقاده کی موفقیتلری ایسه پك آزدرد . بر عصر تحکمدن صوکره
 انکلیزلر بیاض اهلینك ۳۹٪ نی هولاندایلر ایسه ۶۱٪ نی تشکیل
 ایدیلر .

أوت ، هندوستان بر اثر مظمدر : اويله پارلاق بر اثرکه اوکنده
 اسکندرلرك ، ترازانلرك ایمپراطورلقلری پك صولوق قالیر . ۲۹۵ مایون
 نفوسى ۳۰۰۰ بویوك مأمور و ۷۴۰۰۰ عسکرله اداره ومحافظه ایدرك
 ترقیسنه چالیشمق دنیاده بی مثل بر خارقه در .

فقط بوراده انکلیزلر طالعك پك چوق الطافنه مظهر اولمشلردرد .
 اولاً بومملکت عرق، لسان، مذهب اعتباریله عناصر مختلفه دن مرکبدرد .
 بونلر اکثر احوالده یکدیگریسك دشمن بی آماییدرد . بوندن بشقه
 اهلینك قسم اعظمی پك اسکی زمانلردنبری بر حکومت مطلقیه
 آلیشمشلردرد . کندیلرنده نه بر ارزو ونهده بر فکر حریت واردرد ؛ بناءً
 علیه انکلیز تحکمی کبی تاریخنده ده پك چوق فاتحلرك ظلم واستبدادی
 بویوك بر توکل ایله قبول ایتمشلردرد . انکلیزلر افغانلر کی قوتلی بر
 عنصره تصادف ایدنجه مغلوب اولمشلر و دوعریدن دوعریه اداره

ایتمکدن فراغت ایتمشلردر . انکلیزلر نه ایرلانداده سلتلری ونهده قاپده هولاندالیلری انکلیزشدیرمه یلششلردر . الیوم آرالرنده ضدیت تامه حکمفرمادر . حال بویه فرانسلر آلساسده کی آلمانلری ایکی یوز سنه ایچنده فرانسلشدیرمشلردی . قناده کی فرانسلرده قومیتلرینی محافظه ایدیلرلر . دیمک اولویورکه بویوک بریتانیا ایمپراطورلنک عظمتی، حکومت متحده نك عمران و ترقیسی اُك زیاده بر اثر طالع نتیجه سی در .

اولا شوراسنی قبول ایتملی بزرگه انسانلرک کافه سی عینی ملکاتی حائر دکلدر . بناء علیه بر شخصک بر شعبه فن و معرفنده تفوقی شعبات سائرده تفوقنده دلالت ایتمز . مثلاً به تووه نك موسیقی به بویوک بر استعدادی وارمش . شیمیدی به تووه نك لاپلاس دن بویوک بر موسیقیشناس اولماسی لاپلاسک فوقنده بر عرق کی قبول ایدلمه سی ایجاب ایدرمی ؟ خایر ! اشخاص حقنده بویله اولدینی کی هیأت مجموعه بشریه دهده بویله در . آمریقاییلرک ماکنلر اختراعنده ، تنسیقات و تشبثات صناعیه و مالیهده بردها ، برحمای فعالیت کوسترمه لری فرانسلر ویا آلمانلرک فوقنده بر عرق اولدقلرینه دلالت ایتمز . حتی اثبات ایدلسه که شیمیدیکی انکلیزلر اداره اقوام خصوصنده پک بویوک بر استعداد صاحبدلر . بویابده اسکی رومالیلرک وارث حقیقلریدر . بویکیفیت اونلرک عروق سائریه قارشى تفوقلرینی اثبات ایتمز . دهای سیاسی بر قومک ملکاتندن انجق برینی تشکیل ایدر .

انکلیزلرک حیات مغزیه اعتباریه تاریخ ترقیلری اقوام سائریه نسبتله کریدر . انجق به فن و شکسپی به ردن اعتباراً کندیلرینی کوسترمه یلششلردر . بالآخره ایچلرندن پک بویوک آدمار بتمش ايسهده اونلرده اوروپاده کی رقیبلرینی کچمه مشلردر . فلسفه جدیدیه یول آچان انکلیزده دن زیاده فرانسه در . شبهه سز داروین فکر بشرک قطع ایندیکی مسافات معرفته

یکی افکار آچشدر . فقط داروین اولاً اقوام سارویه پک چوق مدیوندره
صوکره داروینک افکاری انکلتزه دن اول آلمانیا، فرانسه، روسیاده قبول
ایدیلهرک نتایج فلسفیه سی انکلتزه دن اول الده ایدلمشدر . ویلیام طومسون،
قلرق ماقسودل برنجی درجه ده یلدرلردندر .

بر نقطه وارکه انکلیزلرک درجه دونیسی آشکار؛ اوده صنعتدر . نه
بسته کارلری، نه رساملری، نه ده هیکتراشلی اوروپا ایله رقابت ایده جک
برسویه ده دکلدر . انکلتزه ده حس بدیع، حب نفاست، تربیه ذوقیه پک
آز .. بولوندره ایله پارسک مقایسه سنده درحال کوزه چاربار . راسکینک
مساعیسنه رغماً انکلتزه ده سودای نفاست پک آرتقی ایله مشدر . اقوامک
انسانیتده اشغال ایتدکلی موقع حقیقته وحسنه قارشی اولان درجه
مجتلرینه کوره اولمالدر ...

شکل حقیقت آتنده کیزلنمش خطانک قوتی بالذات حقیقتدن دهاییوکره
ایشته عرق نظریه سی، بونوع خطالردندر . بعض کیسه لرایچین عرق براعتقاد
مقدس اولمشدر . حیات فکریه، سیاسی و اجتماعی نک مرشعه سنده بونظریه یه
تصادف ایدیلور؛ و عرق نامنه قدر جنایتلر، حیوانقلراهاق ایدلمدی؛
حال بوکه حقیقته صافی طبایع اساسیه متجانسیه مالک بر عرق موجود
دکلدر . علم البشر اک بعید زمانلردنبری عرقلرک بری برینه قاریشدقلمی
اثبات ایدیلور . تاریخ یالکنز بر عرقدن متشکل امتلرک عدم موجودیتیه
کوستریور . بوتون مصریلر، آثوریلر فنیکه لیلر، یونانیلر، لاتینلر،
ایرانیلر، هندیلر، چینیلر، حتی شمالی اوروپانک قبائل قبله تاریخیه سی
بیله قبائل مستولیه نک دوکوب کتیردیکی عناصر مختلفه ایله اختلاط ونعیر
ایتمشدر . باش ووجود کیکلرینک، مومیلرک تدقیق مختلف برچوق
نمونه لرک پایدار اوله جق وتکثر ایده جک برطرزده یکدیگریله مناسبت

واشتراکده بولونداقلرینی ارأه ایدیور. انکلتزه بیله موقع مستثناسی خلافه اوله رق مختلف ومتعدد عرقله مالکدر. ازمنه قدیمه نك معلوم اولان قسمنده کی عرقله سجایاسنده موجود اختلاف وعدم مشابہت شایان حیرت بر درجده ایدی. روماده تماماً آری بر قوم موجوددی. عالمه شخص، فرقه، افکار نقطه لرندن بوتون اقوام بینلرشد مبانیت وضدیت تامه بی حائر دیلر. شیدیکي ایتالیا وفرانسه ده بویله در. بروندیکلي ایلر برنایولی چوجنی بر مارسیالی ایلر برلیل یرلیسی کوره بیان نظرلره اوصاف وطبایع مختلفه عرض ایدرلر.

ایشته بوامثله عمومیه بی تکثیر قابل، فقط بی فائده در. دائماً مرکب ومتبدل بولونمق شانندن اولان اقوامده پایدار وعمومی خطوط فکریه نك موجودیتنه ایناتمق بر خطای عظیم تاریخی و سیاسیدر. بر قوم مختلف عرقله تجمعیدر که هیچ بری هر نوع اختلاطدن مبرا وخالص اوله رق نظر اعتباره آله ماز...

شیدی عرق نظریه سی طرفداراننك مطالعاتی تدقیق ایده لم :
کره ارضك نقاط مختلفه سنه داغیلان انسان کومه لری « عرق » نامی ویریلن بر طاقم غروپلره منقسمدر. فن جدیدك ترقیات حاضرده سی صورت قطعیه ده بزه اثبات ایتشد که انواع حیواناتی یکدیگرندن تفریق مدارا اولان اوصافدن زیاده عروق مختلفه بشریه دهادرین اوصاف وطبایع ایلر بر برندن آریلیور. بوکون انسانلره تطبیق ایدیلن عرق کله سی نوع تعیرینك مترادفی کی تلقی اولولونایلیر. عرق یاخود نوع بشردن مقصد ارنأصورت منتظمده انتقال ایدن سجایای مشترکیه مالک انسان کومه لیدر. عروق مختلفه تاریخ طامده اثبات موجودیت ایتدکلی آندن اعتباراً بوسجایای مشترکیه مالک ایدیلر. الک قدیم مصر مسخاتنده هرئی اقوام مختلفه انمودجلری

تقسیمات عرقه مزك فجر تاريخدهده جاری اولديغنی ارانه ايدر . عروق بشریه یا خوددها فنی بر تعیرایله انواع مختلفه انسانیه ازمنه تاریخیه بی تعقیب ایله ن یوزیکرله سنه انسانده تشکل ایتشدرد . اولزده انواع حیوانات مثلاًو محیطات ، اصطفاء و تراکم ارثی کی مؤثرات آلتده تبدلات تدریجیه ایله وجوده کلشدر . فقط بویلی تکاملک قوانین عمومیه سنه واقف اولمقله برابر تفاسیل و تفرعاتی هنوز بیلورز . برمدیتک تکاملنده عرقلرک سجایای اخلاقیه و فکریه لرینک اهمیتیک بویوکدز . اقوامک تاریخی ، مؤسساتنک تولدینی ، اخلاق و اعتقادلرینک ظهورینی آکلامق ایچین اول امرده اولنرک بنیه دماغیه لرینی تتبع ایتمه لیدر .

تصنیف عروق بمحتده فی الحقیقه تشکلات عظمیه و عضلیه نک اهمیتیک یوقدر . جلد و صاچک رئیکی ، قفانک شکل و حجمیک بک قبا تقسیماته باعث اولور . مختلف عرقلر آراسنده موجود فرقلری وضوحه تثبیت ایده جک یکانه شی بسیقو لوژیدر . روح الاقوام بزه کوسته ررک شکل خارجیلری اعتباریه فرقلری اولسه بیله عینی بنیه دماغیه مالک اولان اقوام عینی احوال آلتده عینی قدراته مالک اوله جق در . مثلاً شیدیککی انکلیزلی اسکی رومالیرله بحق مقایسه ایده بیلیرز . چونکه بویایکی قومک بنیه دماغیه سنده بک آشکار برقرابت موجوددر . طبایع اساسیه لرنده عینی قوت ، مؤسسات سیاسیه و اجتماعیه لرینه عینی حرمت ، مؤسسائی غایت یاواش بر صورتده تبدیل ایچین عینی استعداد ، اقوام سائره بی اداره و مستعمراتی محافظه ده عینی لیاقت . لکن اموزج خارجی اعتباریه رومالیرله آنفلو ساقسونلر بیننده بویوک بفرق موجوددر .

برملته شایان تدقیق دائماً ایکی اساسلی عنصر وارددر : طبیعت اساسیه و ذکا . بر عرقلک جهانده موققیاتی نقطه سندن طبیعت اساسیه ذکادن ده

زیاده حائر اهمیتدر . بر شخص یا خود بر هر ق طریق حیاطده ذکادن زیاده
طینتاریله قطع مسافه ایدر . روما ایمراطورلنی انقراضه یوز طوتدینی
زمان رومالیر هر زماندن زیاده معلوماتلی ، مدنی و ذکی ایدیلر . لکن تأمین
عظمت و اقباللرینه سبب اولان طبیعت اساسیه لرینه ارتق صاحب دکلردی .
ثبات ، ثانی ، فدای نفس ... کبی اوصاف اساسیه لرینی غائب ایتمه لرندن
دولایی محو اولدیلر . نته کیم رقیق و ادیب یونان - لاتین عالمنک عربلر
طرفندن فحشی ده بردلیل دیکردر . تاریخ بونوع امثله ایله مملو اولوب استقبال
استثنا ناپذیر اولان بوقاعدهء حاکمینی بزمنه اثبات ایده جک در . بر چوق
هندیلر ذکا اعتباریه انکیزلر درجه سنده درلر ؛ حتی تربیه ذوقیه ، فکر
فلسفی اعتباریه تفوق بیله ایدرلر . لکن جمعیات و ایمراطورلقلر ذکا اوزرینه
دکل طبیعت اساسیه اوزرینه مؤسدر . اقوامک استقبالی قابلیات مخصوصه
فطریه لرنده مندرج اولوب چوق محاکمه و چوق درین تفکردن بویوک برشی
قازانما مشلردر . اقوام مختلفه آره سنده کی تشکل دماغی اعتباریه اولان
فرق اقوام عالیه نک مدنیتلری اقوام عادیه به قبول ایتدیره مه ملرینک سینی
ایضاح ایدر . تربیه و معارفک بونی دائرة حقیقه صوقاجنی فکری یا کلشدر .
واقعا برزنجی سهولتله بر باشلیه ، بر آوقات یاییله بیلیر سده بوجلادن عبارت
اولوب تشکل دماغیسی اوزرینه هیچ بر تأثیری یوقدر . چونکه دماغی یاپان
یالکز ارثدر . برزنجینک حیاتک ادوار مختلفه سنده بر انکیز کبی حرکت
ایده بیله سی ایچین عصرلر لازمدر . بر قوم ظاهر آ لسانی ، قانون اساسیسی ،
اعتقاداتی ، صنایعی دیکشدر مش اولابیلر . فقط تبدل حقیقی اونک روحنی
دیکشدر مکدر . معارف حافظه مزه بر طاقم معلومات دولدور ور سده محاکمه ،
ملاحظه ، فکر تشبث ، ملکه ابداع کبی خصائل برکزیده بی تأمین ایده مز .
برملنک انساع تاریخسی نقطه سندن طبیعت اساسیه ذکاتک فوقده

بررول اویناور . سویهٔ مدنیت اعتباریله ده . بالعکس ذکا حائر اهمیتدر .
 لکن بو ذکا نك اهمیتي انجیق مبدع و خالق بر ذکا اولماسیله در . وقتیه
 فنیکیلر بالا آخره مونقوللر ، زمانمزه روسلر مدنیت اجنبیه یی قبولده
 قابلیت استمالیه کوسترمشرسه ده اومدنیتی ترقی ایتدیره مه مشلدر . خالق
 ذکایه مالک اقوام اسکندن یونانیلر و عربلر در که انسانیت بوتون ترقیات
 عمومییه یی اولنره مدیوندر .

اك سطحی بر تدقیق بیله کوسته رر که بر عرقی تشکیل ایدن اشخاص
 مختلفه ده بنیهٔ دماغیه و اخلاقیه لری اعتباریله ده یکدیگرندن فرقلیدر .
 فقط بر پارچه ده دقتی باقار سق بونظاهری فرق لرتنه عرقه خاص اولان
 سجاایای مشترکه مکتومدر . بوسجاایای مشترکه ایسه ثابتدر . برانکلین ،
 بر ژاپون ، بر زنجی باشقه باشقه انموذ جاردر . اقوام متجانسه ده عنی
 محیطات ، عنی مؤسسات ، عنی معتقداتك تحت تاثیرنده اوزون مدتیله
 یاشامقله وجوده ککن بوسجاایای ملیه غیر مرئی اولقله برابر حیات مللده
 پك بویوك بررول اوینارلر . بوسجاایای مشترکه بوتون بر عرقك ماضیسنی ،
 بوتون بر سلسلهٔ اجدادك نتیجهٔ تجارب و اجرا آتی ارئه ایدر . دنیایه
 ککن هر شخص بومیراث اجدادی ده برابر کتیر بره بناء علیه بر قومك تکاملنی
 آ کلامق ایچین حال حاضر نی دکل ماضیسنی تدقیق ایتمه لیدر . عصر لر دنبری
 قبرلرنده او یونان اجدادیمزك اوستمزده کی نفوذ و تاثیر لری پك زیاده در .
 اقوامی اداره ایدن دیرلردن زیاده اولولریدر . عصر آ بعد عصر افکار
 وحسیاتمزی اولر وجوده کتیر مشدر . قانون و راتی خاطر دن چیقار
 ماملی بز . بوسدای اموات اوقدر قوتلیدر که عقله دائماً غلبه ایدر . مو تال
 دیرلرک یکانه حاکم لیدر . و بز اولرک بوتون خطیئات و فضائلندن متضرر
 و مستفیدز . آنفلوساقسونلرک عظمت و قدرتی ماضینك تاثیر نی ، اهمیتنی

قبول ایله اونك بویوندوروغندن ایجاب ایتدجه قورتولمايه چالیشمالرندن دولایندر. لاتینلرک ضعیفی، بالعکس، ماضیینی، غنغسات تاریخیهیی بر طرفه آتهرق بلا فاصله مؤسساتی، قوانینی تبدیل ایتهلرندندر. بوندن دولایندرکه برعصردن زیاده اختلالات ایچنده یووارلانیورلر. آنفلو- ساقسونلر وقایع و ضروراته سرفرو ایدرلر. لاتینلر ایسه مقتون کلماتدر. بعض اشخاص واقوامه پک موافق کلن تربیه وقوانینک باشقهلرینه موجب مضرت اولاییله جکنی پسیقوولوژی اثبات ایدر. هر قومک کندینه خاص بنیه دماغیهیی، حسیاتی، افکاری، مؤسساتی، مذهبی، صنعتی واردر. بز یالکز اجدادک دکل عرقکرده اولادی یز. قانون وراثتده وطنی بزم ایچین ایکنجی بروالده یاییور. انواع حیوانات کبی عروق بشریه نکهده بعضیلری پلک متنوعدر. بوتنوع نه قدر آزیسه عرقده اودرجه متجانسدر. مثلا انکلیترده ساقسون، نورمان واسکی بره تونلر مرور زمانله اتحاد وامتراج ایدهرک الیوم حسیات مشترکه، منافع مشترکه، معتقدات مشترکیه مالک بر کتله تشکیل ایدیورلر. بر قوم بوحاله کلنجه یوتون مسائل معظمه حقنده اعضا وارکانی یلنده اتحاد کورولور. حال بوکه فرانسلر آره سنده هنوز بواحد یوقدر. مختلف انموذجلر افکار وطبایع اساسیه اعتباریله بر بوندن فرقلیدر. بناء علیه هپسنه موافق کله جک مؤسسات بولقی چوق مشکلددر. فرانسه ده افکار، احتیاجات و اعتقاداتده حکمفرما اولان اختلافات عمیقّه بالخاصه بنیه دماغیه نکه فرقلرندن منبعثدر. افکار وحسیاتک اتحادی اوزون زمانلرک محصولی اولوب براقدار فوق العاده بخش ایدر. وقبیله رومانک، زمانزده انکلینلرک بویوکلیکی بوسایه ده در. رومانک رولی بو حسیات مشترکه نکه زوالیه زوالپذیر اولمشدر.

بر عرق نه قدر متجانس اولورسه اولسبندده افکار وحسیات مشترکیه مالک اولور وطریق ترقیدهده بویوک بر سرعتله قطع مسافات ایئر . بالعکس افکار ، غنغات ، اعتقادات ومنافع مشترک دکلسه دائماً تفرقه ونفاق اکسیک اولمایه جفتدن ترقی غایت اغیر وحی اکثریا بوحان تشقت ترقیه بوس بوتون مانع اولور . مختلف عرقلری عینی بویوندورق آلتده طوتمایه چالیشیق قدر خیالی هیچ بز فکر یوقدر . حتی بویوندورق دمیردن بیله اولسه بر آن ایچیندر . غیر متشابه عرقلردن متشکل بویوک ایمراطورلقلر دائماً عینی تاریخه مالک اوله جقلردر . اسکندر وشالمان ایمراطورلقلری مؤسسارینک دمیر الاری بواجزای متفرقه یی برلکده ضبط ومحافظه دن خالی قالدینی آنده درحال انحلال ایتمشلردر . اقوام جدیده میاننده آمیج هولاندالیرله ، انکلیرلر کندیلرندن پک فرقلی اولان آسیا اقوامی تحت اطاعنده طوتمایه موفق اولمشلردر .

بوموفقیترلری ایسه واقوامک اخلاق وعاداته رعایت ایتملری سایه سنده در ملت کله سی هیچ بر زمان عرق کله سنک مترادفی اوله رق قبول ایدلما لیدر . بر ملت اکثریا مختلف عرقلره منسوب انسان کومه لیدرکه عین حکومت آلتده بولونمق حسینله بعض منافع مشترکیه مالکدرلر . مثلاً بوکون آلمان ، اوستریا ، فرانسز ملتلری واردر . فقط هنوز آلمان ، اوستریا ، فرانسز عرقلری یوقدر . یکدیگرینک مواجهه سنده اولان عناصرک منشألری اوقدر مختلف واودرجه فنا امتزاج ایتمشدرکه هنوز بویله بر عنوان اولنره ویریله مز . مختلف عرقلر عینی مؤسسانه تابع طوتولاماز . اقوام مختلفه یی جمع ایدن بوتون بویوک ایمراطورلقلر آمیج قوت ایله میدانه کلش ونتیجهده ینه عین شدت وظلم ایله هلاک اولمشلردر . یالکزه عینی مؤسسات واعتقاداته مالک وبک آز فرقلی عرقلرک

تدریجی بر صورتده امتزاج اتمه لریله بونوع ایمپراطورقلر یاشایه بیلیر .
بالاآخره بو مختلف عرقلر بر قاج عصر صوکره متجانس بر عرق جدید
تشکیل ایدرلر .

دنیا اختیارلدجه عرقلر دها ثابت ، دها اساسلی بر شکل اکتساب
ایدیور . ازمئه قبله التاریخده انسان دها آز اوزون بر ماضیه ، دها
آزمین مؤساته ، دها از امین شرائط موجودیه تابع اولدیغندن
محیطاتك تأثیری پك زیاده ایدی . مدنیت بوکون انسانلری اولدجه
محیطاتك نفوذندن قوربارمایه خدمت ایتدی . فقط اومدنیت بزی
ماضی تاریخمزدن تخلص ایده من . اختیارلادجه ثقل وراثت دها
آغیر اولویور . آرتق شیمدی یالکز وراثت وراثته قارشى مبارزه
ایده بیلیر .

ایکی عرقك بر بریله اختلاطنده وراثت اجرای حکم و نفوذ ایده بیلک
ایچین کمیت و بنیه دماغیه نقطه سندن آرالرنده پك چوق فرق اولمالیدر .
بوشرائطك برنجیسی پك اساسلیدر . ایکی مختلف عرق یکدیگرینك
مواجهه سنده بولوندینی وقت چوق اولانی آزى سرعتله تمیل و امتصاص
ایلر . سیاه بر عائله آراسنده بعض بیاض عائله لر هیچ بر نشانه بر اقصیزین
هان غائب اولویورلر . اسلحه سی ایله قوتلی ولکن عددآ آز بوتون فاتحلرک
باشنه بو حال کلشدر . یالکز و قتیله آرلرک شیمدی انکلیزلرک یابدینی کبی
دهشتلی بر « قاست » اصولی تأسیس ایدیلرک غالبلرله مغلوبلر بیتنده
صهریت منع ایدیلرسه بو صورتله محو اولمقدن تخلص ایدیلیر . قاست
اصولی بر استنادر . قاعده عمومیه بر قاج نسل نهایتنده غالبلرک مغلوبین
طرفندن امله سپدر . مثلاً عربلر مصر قطعه سنی قحدن بر مدت صوکره
غائب اولمشلردر . یالکز اوراده دین ، لسان ، صنعت کبی بر مدنیتك

اک مهم عناصری بر اقلشدر . بوکا بکزر بر حادثہ دہ لاتین اقوامی دینیلن ملترده اولمشدر .

فرانسز، ایتالیان ، واسپانیولرک دامارلرنده حقیقت حالده هیچ بر لاتین قانی یوقدره . لکن رومالیرک مؤسسائی اودرجه قوتلی ، تنسیقاتلری اودرجه حائز اهمیت ، نفوذ مدینتلی اوقدر شدید و بویوکدرکه استیلا ایتدکاری مملکتلر لسان ، مؤسسات ودها اعتباریلہ لاتین قالمشدر .

برملتک دیکربنه مدینتی قبول ایتدیرمک ایچین اک قوتلی اولماسی ایجاب ایتمز . اکثریا قوم مغلوب مدینتی غالبہ قبول ایتدیرر . فرانقلر ، خاللو - رومہن جمعیتہ قارشى مظفر اولمشلرسده اخلاق نقطہسندن ملت محکومہ یہ تابع اولمشلردر . عربلرده بویلہدر . نفوذ سیاسیلری کاملاً محو اولدینی زمان دینلری ، لسانلری ، صنعتلری کیتدکجه انتشار ایدیوردی .

فتح واستیلا نتیجہ سی اولہرق یکدیگریک قارشینہ کلن عرقلر آراسنده اختلاف بک زیاده ایسه بوتماسدن بالآخرہ ضعیف اولان عرق هلاک اولور . عصرلردنبری ضبط ایدیلن ایرلاندا انکلتريہ اقیقاد ایتمہدی ؛ لکن نفوسی هرکون تناقص ایدیور . طاسمانیایلردن بوکون نمونہ اولہرق بردانہ قالمشدر . آمریقاده هندیلر عرق ابیض اوکنده دائماً رجعت ایدیورلر .

تربیہ فکریہ اعتباریلہ آارلرنده فرق عظیم اولان ایکی عرق یکدیگریلہ اختلاط ایدرسہ عالی اولان عرق ایچین نتیجہ قنادر . اورتادن همان خائب اولہرق یرینہ اورتا بر عرق قائم اولور . بو عرق ایسه اخلاق نقطہسندن هر ایکسندنده اشاغی بر مرتبہدهدر . هندیلرلہ اوروپالیرک زنجیلرلہ بیاضلرک برلشمہ سی دائماً فنا نتیجہلر ویرمشدر . عالی عرقلرلہ عادى

عرقلرک اختلاطندن متولد نتایج و خیمه اقوام قدیمه متمدنه طرفندن کورولم سندن دولایی درکه « قاست » اصولی میداننه چیقارلمش و بواصول عروق مختلفه آراسنده کی مناسبتی منع ایله مشدر . اکر بویا بیلماش اولسه ایدی ، انسانیت فجیر مدینتی اصلا کچمه جکدی . آریلرک غائر نهری ساحلنده تأسیس ایتدکری پارلاق مدینت بوقاست اصولی سایه سنده در . مدنیات ابتدائیه تاریخنده بواصول بویوک بر رول اوینامشدر .

لکن یکدیگر بیه اختلاط ایدن عرقلر اوصاف مختلفه بیه مالکیتله برابر اکر عینی دوره کاله کیشارسه نتیجه بوس بوتون باشقه در . بو تقدیرده هر عرقک اوصافی دیگرلرینک مقیمی اولور . تصالب عرق سایه سنده درکه حکومت متحدنه ک پارلاق جمهوریتی میداننه چیقمشدر . بو حکومتنک او شایان حیرت اولان قوتنه خدمت ایدن شی یالکز انکلیز ، فرانسر ، آلمان ... کبی مترقی عناصرک اختلاطی دکل بلکه بو مهاجرلرک اقوام مختلفه نک اک فعال ، اک زنده عضوری آراسندن بر اصطفا ایله آیرلمش کیسه لر اولماسندن دولایی در . بوتون آمریکا مهاجرلری جسور ، ماجرا پرست و وطنلرینک آفاق مادیه و معنویه سنی پک طار بولان کیسه لر دی . قوتلی ، ذکی قورقوسز و - و سه سز اولان بو آدملر او یله بر قوم تشکیل ایتدیلرکه هیچ بر تثبث اونلری رجعته مجبور ایده مزدی . یالکز کندیلرنده حس صنعت ، ذوق بدیع نقصان ایدی که بو اجدادلرنده یوقدی . بر عالم مجهولی فتحه کیدن قهرمان ماجرا پرستلر شاعر ، صنعتکار ، خیال پرست و اینجه آدملر آراسندن چیقماز .

اختلاط دم ، عوامل محیطیه قدر تبدلاتی موجب اولور . بو حادثه ایسه انسانیت قدر قدیمدر . محاربات و فتوحات اولان هر یرده قان یکدیگر بیه قاریشمشدر . بعضی علایه کوره هر مملکتده بویوک آدملر مختلف

عرقلرک محصولیدر . آمریقانک اک بویوک مخترع و محررلری ، انکلتزه مشاهیری هپ بویله مختلط عالهلرک ذریندن کلشدر . نیته کیم فرانسه دوده سنت بوو ، هوغو ، دوما ، تن ، دوما بویله در . روسلردن پوشکین و لهرمونتوف ده مختلط بر قانک محصولیدر . ایسه نیک دامارلرنده نوروج قانی جولان ایدیوردی . قانک تجدیدی دائماً کوزل نتیجهلر ویرر . آمریقا ملتک ترقیسی تصالب عرق نظریه سنک تطبیقندن متولددر . هرسته اورایه هر مملکتدن سکزیوز بیکی متجاوز مهاجر کیدیور . و محیطک تحت تأثیرنده بو اقوام مختلفه یکی بر انموذجه منقلب اولویورلر . خطوط مختلفه غائب اولویور . ایکی نسل صکره تماماً آمریقایی اولویورلر . ایشته بو کبی اسبابدن طولایی درکه اقریادن قیز المقی آبی برشی دکدر .

ترقیات بشریه عرقلری مساوی یایمقدن زیاده بالعکس آرارنده کی حفرة فروقی ده از زیاده درینلشدره جکدر . سویه عرفان بشر دائماً بو کسه لیور . بناءً علیه هنوز صوک قدمه بی اشغال ایدن اقوام ایله عالی عرقلر آراسنده کی فرق بالطبع تزايد ایلیه جک . واقعا ترقی اک دون جمعیات انسانیه ایچین ییله آجقدر . لکن قانون ترقی ، حرکت ایلیه جک سرعتک ده تزايد اتمه سی اساسنه مستندر . عالی عرقلر ارتق خطوات غولانه ایله تکامل ایدیورلر . حالبوکه کریده قالان عرقلر اجداد مزک کچدیکی یوللردن کچک ییلک ایچون اوزون عصرلر محتاجدر . بو عرقلر او نقطه یه یتشدکلری زمان دیکرلری نره لرده بولنه جقلر ؟ عروق بشریه مساواته دوزر و یورومکدن بعیددر . عینی مطالعه اشخاصه ده قابل تطبیقدر . هر نسلده فرق چو خالیور . جمعیتک صنوف عالیه و سفلیه سی بینده مدھش اوچوروملر وار . بر عرق نه قدر متدن ایسه او عرقی ترکیب ایدن اشخاص آراهنده کی فرق ده اوقدر زیاده در .

بالتجربه ثابتدرکه چین وهندلیرک صنف متوسطی آوروپالیرک عینی
 صنفندن آشاغی دکلدر . یالکز الکحقیقی فرق عظیم بو اقوامک سویه
 عرفانلیری هرکون یو کسلیمکه باعث اولان کشفیات عظیمه مبدعلرینه، بوبویوک
 آدملره مالک اولماسندن متولددر . بویوک آدملره عالی عرفلردن اشاغی
 انیلدیکجه یک نادر تصادف اولونیور . هله اقوام وحشیهده هیچ بولمییور .
 مدنیات مختلفهک تبقی کویسته ریرکه بوتون ترقیات بر فئه منورهک
 اثریدر . خاق بو ترقیاتدن استفاده ایتمکدن باشقه بر شی یایماز . دهالبر
 عرفک شرفیدر . هرکس اولنرک اوکنده سرفرو ایتلیدر . مساوات
 آنجیق اورتا حالده موجوددر . فکر مساوات عادی حسدلرک آغیر
 ومظلم خولیاسیدر . بونی آنجیق ازمئه وحشیه دائره حقیقه صوقشدر .
 عالمده مساوات حکمفرما اولیق ایچین یاواش یاواش عرفلرک قیتی الک
 دون بر مرتبه تزیله ایتلیدر . برکویلینک سویه عرفانی لاوازیهک
 دهاسنه یوکسله بیله سی عصرلره محتاجدر . حال بوکه بو قوتلی قفانک
 ضیاسنی سوندورمک ایچین برثانیه ایچنده کیویتینک بیجاغی اینمهی کفایت
 ایتدی ! بویوک آدملر بوتون بر عرفک مساعیسنی خلاصه ایدرلر .
 اختراعلر دایما برسلسله مدیده کشفیاتک نتیجه سیدر . ومدینتده
 بویوک هر نه وارسه صنعت ، علم ، فلسفه ، قوه عسکریه ... هپ سهی
 انفرادی نتیجه سیدر . بتون جمعیت بشریه مستفید اولدینی کشفیاتی فئه
 منوره مدیوندر . بواختراعات وکشفیات بر قومدن دیکرینه کمال سهولتله
 نقل اولونابیلر سده اولنرک سجاای مشترکهی کچیرله من . بوسجاای اقوام
 حالهک بینه دماغه لرینک یکدیگرندن آیرماسنی موجب اولان عناصر
 اساسیه در . ترقیات مدنیه دکل یالکز عرفلری بلکه هر عرفک اشخاصنی ده
 کیتدیکجه بر برندن آیریور . خولیای مساواته رغما مدینت انسانلری

پیدرپی فکر آ غیر مساوی بر حاله قویه جقدر .

بر مدینتک ترکیب ایتدیکی عناصر مختلفه - لسان ، مؤسسات ، افکار ، اعتقادیات ، ادبیات ، صنایع نفیسه - اونلری ابداع ایدن انسانلرک روحندن برر نشانه در . بعض اقوامده آثار صنعت روحلرینک اک مهم تظاهرات خارجیه سی اولدینی حالده بعضلرنده عالم مدینتده اشغال ایتدکاری موقع بلنده رغماً بو آثار ایکنجی درجه ده بر رول اوینامشدر . بعضلرنده مؤسسات ، تنسیقات عسکریه ، تجارت ... حاز اهمیت فوق العاده در . مثلاً رومالیرک مؤسسات سیاسیه ، عسکریه و عدلیه سی پک مکملدی . معماریده ، فلسفه ده هندلیرک درجه سنه پک آز اقوام یاقلاشه ییشدر . ادبیاتده شایان حیرت پارچهلر وجوده کتیر عشلردر . فیکلیرک تفوقی مهارت تجاریه لرندن عبارتدی . تاریخ مدینتاری تاریخ تجارتلریدر . حال حاضرده آثار صنعتک اهمیت آزالبور . شمدیکی عالم ، عالم منفعتدر .

بر مدینتک عناصر مختلفه سنک قیقی صرف فائده و منفعت نقطه سندن دوشونولمش اولورسه عناصر مدینتک اک مهملری بر قومک دیکر لرینی تحت اسارتیه آله ییلسنه خدمت ایدن مؤسسات عسکریه در . تاریخک یکانه سرفرو ایتدیکی تفوق تفوق عسکریدر . عسکرلکک بر قومده دوچار ضعف اولماسی اونک صحنه عالمدن چکیلک اوزره اولدیفنه اشارتدر . اک مدنی ، اک ذکی اقوام موقعلرینی وحشیلره ترکه مجبور اولملشدر . فلسفه اعتباریلله اشاغی اولان بعض عناصر اجتماعی نقطه سندن پک یوکسکدر . وضعفه کرفتار اولان اقوام ایچین اعاده قوت شرائطنک برنجیسی سرت وصیقی بر خدمت عمومیه عسکریه تأسیس ایتمکدر . بر قومک عناصر مدینتک همان تبدلنه اینانمتی بر آدمک قامتی ویا

کوزلرینک رنکی دیکشه بیله جکنه اینامق کیدر . تبدلات اجتماعیه
 امرنامه لرله یاییلاماز . اقوام اقامتگاه سیاسیلرینی تعیننه مقتدر دکلدر .
 اک مهم مسأله خوشلرینه کیده نی دکل محتاج اولدقلری شکل اداره نی تعین
 ایتمکدر . فرانسزلر بونی علمی برصورتده تعین ایدمه ملرندن ناشی سکسان
 سنه ایچنده تام اون اوج دفعه اولرینی ییقوب یامشلردر . اقامتگاه سیاسی
 دفعه یاییلاماز . اغیر اغیر احتیاجاته کوره توسیع و تبدیل ایدیلیر .
 اساساً شکل حکومتی بر قومک طبیعت اساسیه سی ، تاریخی تعین ایتمکدر .
 فرانسه ده فرق سیاسیه نک کافه سی هرشی دولتک یاماسی فکرنددر .
 مقام ریاستده قرال ، امپراطور ویا رئیس جمهوربولونماسی اودرجه حائر
 اهمیت دکلدر . هپسنک هدف آمالی ، غایه مقصودی بدر . چونکه بوروج
 عرقک حیاتیدر . فرانسزلر اکثریا تبدیل کلات واسامیدن باشقه برشی
 یاماشلردر . لاتین اقوامی حریتدن زیاده مساواته عطف اهمیت
 واستبداد غیر شخصی اولقی اعتباریله بوتون استبدادلره تحمل ایدرلر .
 اشکال حکومت وقوانین اساسیه مقدرات اقوامده . بویوک بررول ایفا
 ایتزلر . قطعاً آبی ویا فنا دینله بیله جک مؤسسات و حکومت یوقدر . اک
 مهم نقطه حکومت اداره ایتدیکی قومک افکار وحسیاته ترجان اولقندر .
 اصریقای جنوبی عین مؤسساته مالک ایکن حکومت متحده ایله آره لرند .
 نه فرق عظیم وار! بو عرقلرک اختلافدن متولددر .

عناصر روحیده انواعک عناصر تشریحیه سی کبی غایت اغیر
 تراکم ارثی ایله تبدیل ایدر . تکامل مدنیاتک قسم اعظمی بوتبدلانه
 وابسته در . تبدلات روحیه یه باعث اوله بیله جک عوامل مختلفدر .
 احتیاجات ، رقابت حیاتیه ، بعض محیطاتک تأثیری ، ترقیات علوم وصنایع ،
 تربیه ومعقدمات ... افکار حسیات حاله کله لیدر ؛ ومدنیتلر برقاچ افکار

اساسیه نك نتیجه لریدر . بو افكارك تبدیلیه مدنیات ده تبدله محكومدر .
 قرون وسطا ایکی فکر اساسی اوزرینه یاشامشدر: قاتولیکلک و دره بکلك.
 صنعت ، ادبیات ، طرز تلقی حیات هپ بویکی فکر دن منبعشدر .
 بویوک ایمپراطور لقلر ، اختلالات عظیمه سیاسیه و مذهبییه ادبا
 و فیلسوف لره دکل حیاتلرینی فدا ایده جك درجه ده بر فکرك محکومی
 اولان کیسه لرله وجوده کلمشدر . عربلر بوسایه ده اُک بویوک بر ایمپراطور لقل
 تأسیس ایتدکری کبی فرانسه ده قونوانسیونك عسکری ده بوتون مسلح
 اوروپایه قارشى دورمشدر . بر قوتلی قناعت غیر قابل مقاومت برشیدر .
 سیاسیانده موفقیت شك و تردد ایچنده بولونانلرده دکل مقصده بوتون
 قوتلریله ربط ایمان ایدنلرده در .

معتقدات دینه حیات اقوامك اُک مهم عنصرینی تشکیل ایدر .
 بشریتك هر دورنده ، ازمنه عتیقه ده اولدینی کبی ازمنه جدیده ده ، مسائل
 اساسیه دائماً مسائل مذهبییه ایدی . دینك بخش ایتدیکی سعادتى شیمیدییه
 قدر هیچ بر فلسفه بولوب ویرمه مشدر . دین موجودیت اقوام اوزرنده
 بر وظیفه مهمه سیاسیه ایفا ایتمشدر ؛ زیرا او بشرك طبیعت اساسیه سی
 اوزرنده سرعتله اجرای تأثیر و فعالیت ایدن بر عاملدر . اعتقادیات ده
 افکار وحشیات سائره کبی قانون تکامله تابعدر .

اخلاق ده بویله در ؛ بر چوق عصرلق وراثتك نتیجه سیدر . بوتون
 مؤسسات سائره کبی اخلاق ده عرق دن عرقه دیکشیر . موضعی و موقت
 اخلاقلر موجوددر . قانت ، قوندورسه ، بوقل کبی حکما بوتون
 اقوامك اخلاقی اساساً یکدیگرینك عینی اوله رق جریان ازمنه آرهنده
 لایتغیر قالدیغنی ادعا ایتشلردر . خطای عظیم ! ابتدائی انسانیتده
 اختیارلری اولدورمك عادت ، شیمیدی ايسه بر جنایت مدهشه در .

وظائف اخلاقیه ده بویله در . اسکی آوسترالیا لیره کوره هر اولهن
 کیسه نك استراحت روحی ایچین دیکرینی اولدورمک بر وظیفه مقدسه
 ایدی ! قاریسی وفات ایدن بر آوسترالیا لی باشقه بر قبیله دن بر قادین
 اولدورمکه قرار ویردیکنی دویان بعض اوروپا لیرک حبس ایله کنديسنی
 تهدیدلری اوزرینه بر مدت عذاب الیم ایچنده بکله دکدن صوکره نهایت
 قاجوب اوزوسنی یرینه کتیرمش و آنجق بوضورتله مسترح اولایلشدر .
 وجدان بشر اخلاق ابتدایه سنك آضدی بر سویه اخلاقه کله نيلك
 ایچین دوشونمه لیدرکه نه قدر مسافه قطع ایتمکه مجبور اولمشدر . عوامل
 اخلاقیه محیط ، ارث ، فائده ، فکر ... کبی پک متعدد سواثندن متشکل
 اولدیفندن تکامل اخلاقی بی تعقیب ایتمکه ده پک مشکلدر .

حق هر یرده دائماً اخلاق ایله متوازیا یورومشدر . ذاتاً حق قانون
 شکنه قونلش اخلاقدن باشقه بر شی دکلدر . اخلاق وراثتله کسب
 قطعیتم ایدر . متمدن بر انسانه بوکون سن شیخوخته کن اقرباسنی
 یك فکری اصلا کلز . بناء علیه بونی منع ایچین بر ماده قانونیه لزوم
 یوقدر . لکن حسیات ارثیه نك هنوز اوقدر قوتلی اولمادینی سرقت ،
 ساخته کارلق ... کبی جرائم ایچین واضع قانونر قانون وضعنه مجبوردرلر .
 واقعا ضابطه قورقوسی بر اقنوم اخلاقی دکلسه ده اقامیم اخلاقیه وراثتله
 روحلرده یرلشنجه قدر بو صورتله حرکت ضروریدر .

حقوق ده اخلاق کبی تکاملک قوانین عمومیه سنه تابعدر . بوجهتله
 پک بویوک فیلسوفلره کوره اخلاق طبیعی اولمادینی کبی حقوق طبیعی ده
 اساساً موجود اولمایوب بالآخره میدانه چیقمشدر . مناسبات دولیه ده
 حکمفرما اولان حقوق طبیعی الحکم لمن غلبدر . تاریخ بزه کوستریورکه
 اقوام دائماً بر برلریله مبارزه ایتمشلر و خلقت عالمدنبری الحکم لمن غلب

مقدرات اقوامك حاكی اولمشدر . بو قانونك استقبالده ده حکمفرما اولمیه جفی نه معلوم ؟

بوتون قوانین ابتدائی حق انتقامی طایر . بو حق قورسیقالیلرده الیوم مرعیدر . کندی اقرباسنی تحقیر ایدندن انتقام آلامق برناموسسزلقدره . بالآخره بونك یرینه قصاص قائم اولمشدر . انساننده بعض زمانلر اولدی که سرقت ، زنا ، قتل مغایر ناموس شیرلر کی تلقی ایدلمزدی . افکار عمومیه نك اخلاق اوستنده بویوك بر تأثیری واردر . مثلاً اوروپاده دونللو ، مناسبات غیر مشروعه کی شیرلری افکار عمومیه محکوم ایتهدیکندن قانون بر درلو منع ایده میور . افکار عمومیه نك تأثیری اودرجه ده درکه اخلاق وعاداتی ، حتی حقوق تبدیل ایدر . ضرورات واحتیاجات افکار عمومیه نی ، بوده اخلاق وعاداتی وجسوده کتیرر . بوندن ده قوانین میدان چیقار .

برمساله حقنده افکار عمومیه بر چوق بطنار عینی حالده قالیرسه وراثت اونی تثبیت ایدر . هندستانك بعض قبائل وحشیه سی آراسنده یالانچلیق عصرلر دنبری اوقدر شدتله محکوم ایدلمشدر که بوکون افرادی یالانك نه اولدیغنی بیلزلر . دیگر بعض قبائلده ده سرقت او درجه مذمومدر که بر آدم کندینه امانت بر اقلش اکمه دو قونمایه جسارت ایده میهرک آچلقندن اولور . ائک غارتگر عربان دشمنی بیله اولسه مسافرینی مدافعه ایچین فدای جان ایدر . بو حسیات اونلرده وراثتله طبیعی برحاله گلشدر . بر شخصك ، برملتك اخلاقی مؤسس ، متین بولونمق ایچین بویله بر سوق طبیعی نتیجه سی اولمق لازم کلیر . انسانلر اساساً اخلاقرینی حین تولدلرنده برابر کتیررلر . کتابلرله اخلاق اوکرتمك چوق مشکلدیر . اخلاق اجدادمنك برعکس صداسیدر . حقوق و اخلاق بطی تکاملات عصریه

وضرورات محیطیه ایله تشکل ابتدیی ، بنیه اجتماعیه بوتکاملی - ملتره کوره - تبدیل ایله دیکی ایچین اقام اخلاقیه و حقوقیه هر قومده مختلفدر .

غنعات ، حیات تاریخیه ماضینک افکاره احتیاجات و حسیاتی ارانه ایدرکه بونلر بوتون ثقلتریله اوزریمزه یوکلنمکده در . تکامل موجوداتده ماضینک تأثیری پک بویوکلدر . برجهینک ماضیسيله در حال قطع مناسبت ایدمه جگنی سوسیله مشدم . اوت ، برقوم ماضینک وجوده کتیردیکی بر تمضودرکه بطی و تدریجی تراکم ارثی ایله دیکشه بیلیر . انسانلری وبالخاصه خلقی سوق و اداره ایدن غنعاتدر . بونک ییه اولماسنه تأسف ایتمه ملیدر . غنعاتسز نه روح ملی نه ده مدنیت اولور . غنعاتسز مدنیت اولمادینی کبی شبکه غنعات پیدربی ، ایجاب ایتدکجه یرتلادینی صورتدهده ترقی یوقدر . غنعاتک الذیاده محافظی جماعتدر . جماعت محافظه کاردر . اختلال کیرده قاتولیکلکه قارشی یاییلان تهدیاتدن بر قاچ سنه صوکره هر طرفده قاتولیکلکک اعاده سی طاب ایدیلیوردی . جماعتک روحی اوزرنده غنعاتک بویوک بر تأثیری واردر .

مسائل اجتماعیه و حیاتیهده اک قوتلی عواملدن بری ده زماندر . قوم دانه لرندن قوجه طاغلری یاپان ، بر پروتوپلازمایی انسانلغه قدر چیقاران زماندر . بر قارنجه زمان سایه سنده بر طافی تسویه ایدر . زمان بزم حاکم حقیقیزدر . مورخ شهر لاویس دیرکه : هیچ بر اصول اداره بر کونده تأسس ایتمه مشدر . تنسیقات سیاسی و اجتماعیه عصرلرهمتوقدر . خلقک افکار و اعتقاداتی حاضر لایانده زماندر . مؤسسات سیاسی جیهاتک هر درلو نقائصنه چاره ساز اوله جنی فکری الیوم پک منتشردر . فرانسه اختلال کیرینک نقطه حرکتی ، نظریات حاضره اجتماعیه نک نقطه استنادی ده بودر . بو بر خیال مدهشدر . مؤسساتی جدا تبدیل ایتک بر قومک

دائرةٔ اقتدارى داخلنده دكلدر . اختلافات ايله اسمى تبديل اولونا بيليرسده اساسى دكيشمز . دنيانك اك ده موقراتييك حكومتى انكلتره اولدني حالد بر مونارشيدر؛ المستبدجنوبى آمريقادولتلى ده جمهوريتدر؛ قوانين اساسيه يى ضرورت وزمان تنظيم ايدر . ايسته انكلتره كوزومزك اوكنده . اوپر راحتسزلى حس ايتديكى وقت قانونلىرى دكشديرمشدر . انگليزلر شكلدن زياده اساسه ، منفعته اهميت ويرر . يالكز عقل نظرى ايله بر جمعيتك يكي باشدن كاملاً دكيشوب ياييله ميه جفى اوكرنك ايجون فرانسزلر ميلونلرله انسان اولدورمشلر ويكرمى سنه مدت اوروپايى قاريشديرمشلردر .

رجال سياسيه نك نفوذ واهميتلى قيصر وریشليو كې بوتون فعاليتلىرى زمانك احتياجانه متوجهاً سوق ايتمكله پايدار اولور . سياسيات عالمده جداً بو بؤك دينه بيله جك آدملر دوغاجق احتياجلىرى ، ماضينك حاضرلدني حادئاق قبل الوقوع حس ايله ينلردر .

معارفك انسانلىرى تبديل ايتمكه ويكديكريته مساوى پايمايه مقتدر اولدني ظنى ياكشدر . سڤنسر ديركه : « معارف انسانى نه دها اخلاقى ونه دها بختيار ياپار ... » فى الحقيقه ده برچوق مدھش جانيلر مكبتلردن مأذوندر . كتابلى ازبرلتمكله ذكا توسع ايتمز . شيمديكى مكبتلر طلبه لرى حيات ايجين يتشديره جكى يرده مأموريت ايجين حاضرليور .

بوكون فرانسده يالكز سن ده پارتماننده ايشمز ۲۰۰۰۰ مېرى ومربيه واردر؛ بونلر جمعيتده ناخوشنودان صنفى تشكيل ايدرلر كه هر درلو اختلافه مهيارلر . حياتده تأمين موفقيت ايدن تجربه ، قوه تشبيه ، فعاليت ، طبيعت اساسيه ... كې اوصافدر كه بونلر ده كتابلرله الله ايديله مز . كتابلر

لدى الايجاب مراجعت اولونا جق فائده لى قاموسلردر . اونك برچوق
اقسامنى قفايه دولدور مق بى فائده در . بوكون انكلتره مهندسلىنى مکتبه
دكل آتليه ده يتشدير يور . شبان مملكتك تابع اولدقلى پروغراملر ،
اصول تدريس بومملكتك استقبالى حقنده بر فكر مخصوص اعطا ايدر .
معارف و تربيه عليه سايه سنده خلقك روحى قجماً تبدل ايده بيله جكندن
بونقطه يه فوق العاده اعتنا ايملايدر .

حاصلى بر بحث الجين حيوانى و نباتى اولدنى كى بر بحث الجين
اجتماعى ده واردر . و بونلى اداره ايدن قوانى تكامل يكدى كرىنك
عينيدر . و بوتون مسائل تاريخيه و اجتماعيه اساسنده معمى عرق
مندجدر . اقوامك مقدراتى ، مؤسساتى سوق و اداره ايدن عرقك
روحيدر . مؤسساتك صورت ايفاي وظيفه لرى عرقك سجاپاي مشتركه
سييله معيندر . بوسجاپاده موجود نقائص در حال مؤسسات جديده ده
كورونمكه باشلار . امراض اجتماعيه قطعى و آنى علاجلرله تداوى
ايديله مز . قانون اساسى ده بر تكامل طبيعيتك و بر توسع و انكشافك نتيجه سيدر .
يعنى قانون اساسى يابلار ؛ او بالذات وجوده كليز . بر حكمدار اداره
ايتدىكى جمعيتك انموذجنى تبديله غير مقتدردر . مثلاً قرومول وفات
ايدر ايتمز انكلتره ده مؤسسات قديمه در حال ميدانه چيقدى ...

ايشته عرق نظريه سنك ادله تاريخيه و تجربيه مستند مطالعات
اساسيه سى . بومطالعات بر فكر نافذ تحليل ايله تدقيق ايدىلرسه مقاله مركز قسم
اولنده سرد ايدىلن اعتراضاتك جوابلرى ده كورولور . بن كندى حسابمه
هر عرقده ارناً منتقل و طينت مغنويه سنده مركزوز بر طاقم خصائل فطريه
و جنسيه اولدنى فكرنده يم .

دولت عثمانیه داغنیق و غیر متجانس عناصر دن مرکبدر. ایمپراطورانی ترکیب ایدن تورک ، عرب ، آرنآوده ، کرده ، چرکس ، لاز ، روم ، ارمنی ، بلغار ، موسوی ، صرب ، مارونی ، درزی ... کی اقوام مختلفه آراسنده اکثریت اعتباریله هیچ بر مشابته یوقدر . هپسینک کندیلرینه خاص شمائل ممتازه ، خصائل مشترکه و موجودیت نسلیله لری وارددر . بو مخلوطه عناصری حسن اداره ایتک غایت مشکلدر . اطباء سیاسی بونلرک حیات تاریخیه لری طبیعتلری نظر دقته آلمایه مجبوردر . و شوراسنی اونو تماملیدرکه عینی قوانین سیاسی و اجتماعی ، اوزرینه تطبیق ایدیلن اقوامک افکار و اخلاقه کوره پک مختلف نتیجه لر حاصل ایدر .

تاها مردن زمانمزه قدر حیات تاریخیه مزنی تدقیق ایدن مورخلر ، برچوق علم جمعیت علمایی تورک عنصرینک خصائل عالیه و مناقب حماستی تصدیق و تقدیر ایتمکله برابر قوای عمومییه تنسیقه ، آسایش محلی بی تأمینیه و الحاصل اداره ملکه استعدادی اولمادیقی سوبله مکده اتفاق ایدیورلر . ده مولن بونی وقیله اجدادیمزک بولوندینی شرائط محیطیه طرز جریان حیاته عطف ایلور . واردات عمومیه دولتک صورت تحصیلتی ده شویله تصویر ایدیور : « دیشکزی چقارمق ایچین چکه کییککزی قیران شارلانا نلرک حالنه بکزر ! »

حقیقی : « ایچین کتم ایتملی ؟ فی الحقیقه بزده بر خاوت فطریه ، مجادله و مصارعیه توقف ایدن شیلره قارشی بر توقی جلی وار . هر معامله مزده تسبب و اہمال ، شمدیه قدر نه مدنیت ونه ده زراعت ، صناعت و تجارت خصوصنده هیچ بر اثر ترقی کوسترمده ! و طنزک سینہ خفایاسنده اویویان ثروتدن استفاده ایتک ایچین اعصاب ذهنه ، صرف فعالیتیه هیچ لزوم

کور میوز . مملکتز یاواش یاواش بر معیشتکده مأمورین اولوق اوزره .
 اها لیز قوه تشبیه واستحصالیه دن محروم . هریر ، هر طرف بر فقر الدم
 اقتصادی به طوتولش ! مستحصللرک یرینه کیتدجه مستهلکک قلم اولویور .
 بورهزیمت اقتصادی که وخامت نتایجی همیزه معلومدر . هر نقطه ده ساکن
 ومتم نظرلر ، متعوب و برقتور روحلر ! ضعیف برانین ماتم ، برصدای
 شکوی !

اعلان حریتدن اعتباراً نقایص عمومی و شخصی من نه آجی بر صورتده
 میدان چیقدی . بویله بردوره بحران مخاطرات ایچنده لوٹ حسد ، لوٹ
 ریا ، لوٹ تنفعدن باشقه برشی یوق ! غرتنه بتولنری چرک شخصیات ایله
 آلوده . اوزهرناک سوزلرک قسم اعظمی رانتقاد جدی به متحمل دکل .
 افق استقبالك امارات مهمه ایله قازاردینی برصیراده نه در بوچرک غیظ حسد ،
 بغض و خصومت ، خیانت و عداوت ؟! . بو هوای مسمم ایچنده یکانه نفخه
 امید و تسلیت انسال آتی به ویره جکمز تربیه علیه و عملیه دن آسه جک .
 اداره رشیه مشروطیتز افرادک غیرت و فضیلت متراکمه سی ایله تأسس
 ایلیه جک در .

بومقاله م بدین . لکن هرشی برکرنکی دائمی ایچنده کورمکده ایی
 دکل . فقط امکان مسعودیتدن قطع امید ایده جک قدر بدین اولمقده پک
 فنادر . بو او یله بر حالت روحیه درکه مملکتک ذی حیات قوتلرینی
 ضعیفلاتیر .

خسته لق غیر قابل تداوی اولدیغنی انسان تکرار ایده ایده برقتور نومیدی به
 دوچار اولور . بن بوتون قارئلرمدن استعدادلریله متناسب بر صورت
 فتور ناشناس ، برعزم مکب ایله احیای وطنه چالیشمالرینی استرحام

ایده رم . بز بویولده عزم وثباتمز ، جهد وجدالمنزله عالم مدنیتک
وقتیله حقمرزده اعطا ایندیکی محکومیت اعلانی بالفعل نقض ایتکه غیرت
ایتملی یز .

استانبول : ۳۰ مارت ، ۳۲۵

احمد شعیب